

Zajedničko koordinaciono tijelo udruženja sudija i tužilaca u BiH (ZKT) u okviru EU projekta „*Jačanje pravnih stručnjaka 2021*“ organizuje stručni skup i otvara diskusiju na temu problematike sigurnosnih provjera sudija/tužilaca u BiH u

četvrtak 09. juna/lipnja 2022. godine u 14:00 sati
Hotel Holiday – sala Holiday, Zmaja od Bosne 4, Sarajevo

Na skupu će se izložiti prednosti i nedostaci sigurnosnih provjera sudija u Republici Hrvatskoj i uspoređiće se sa bosanskohercegovačkim pravosudnim sistemom u kojem ne postoje sigurnosne provjere sudija i tužilaca. Rasprava će se voditi o nedostacima/prednostima sistema provjera sudija i tužilaca u Bosni i Hercegovini.

O problemu sigurnosnih provjera će uvodne napomene dati sudija Vrhovnog suda i predsjednik Udruge sudaca Republike Hrvatske *Damir Kontrec* i zamjenik glavnog disciplinskog tužioca u Uredu disciplinskog tužioca VSTV *Mirza H. Omerović*.

Tema je odabrana na osnovu nalaza ankete koju je ZKT proveo među nosiocima pravosudnih funkcija u aprilu 2022. godine. ZKT Vas poziva na učešće i diskusiju koja će poslužiti kao daljnji orijentir za djelovanje ZKT-a.

Za prezentni dio (sala Holiday) potrebna je prethodna **prijava**. Molimo zainteresirane da se **prijave** putem email: us.fbih@pravosudje.ba, kontakt osoba Denis Bilajac.

do ponedjeljka, 06. 06. 2022. godine,

navođenjem imena i prezimena i naznakom vrste učešća (online/uživo). Broj mjesta za učešće uživo na skupu je ograničen. Online učešće će biti moguće svim zainteresiranim nosiocima pravosudnih funkcija putem Zoom-aplikacije i **linka**: <https://us06web.zoom.us/j/7411385868?pwd=cEhNc0Iyb0JYV3VTVGhsNmsxdkt4QT09>, **Meeting ID**: 741 138 5868, **Passcode**: ZKT.

Sigurnosne provjere sudija i tužilaca – stanje, izazovi i perspektive

četvrtak, 09. juna/lipnja 2022. godine, Hotel Holiday sa početkom u 14:00 sati

lično učešće: sala Holiday, Zmaja od Bosne 4, Sarajevo

učešće Zoom-aplikacijom putem linka:

<https://us06web.zoom.us/j/7411385868?pwd=cEhNc0Iyb0JYV3VTVGhsNmsxdkt4QT09>,

Meeting ID: 741 138 5868

Passcode: ZKT

Satnica:

- 14:00 – 14:05 Otvaranje skupa i uvodno obraćanje - *Hakija Zajmović, predsjedavajući ZKTA*
- 14:05 – 14:35 *Damir Kontrec:* Sigurnosne provjere sudaca u Republici Hrvatskoj
- 14:35 – 14:50 Kratka pitanja i intervencije
- 14:50 – 15:20 *Mirza H. Omerović:* Sigurnosne provjere u sistemu provjere integriteta nosilaca pravosudnih funkcija
- 15:20 – 15:30 Kratka pitanja i intervencije
- 15:30 – 16:25 Diskusija i rasprava
- 16:25 – 16:30 Zaključenje skupa sa informacijama o narednim aktivnostima ZKT -a
- 16:30 – Zajednička zakuska

O uvodničarima:

Damir Kontrec je magistar pravnih nauka, predsjednik je Građanskog odjela Vrhovnog suda i aktualni predsjednik Udruge sudaca Republike Hrvatske (od 2017). Diplomirao je na Pravnom fakultetu u Zagrebu 1989. a pravosudni ispit je položio 1991. godine. Radio je kao sudac općinskih sudova u Varaždinu i Čakovcu, zatim kao sudija i zamjenik Županijskog suda i kao državni tajnik u Ministarstvu pravosuđa, a od 2011. je sudac Vrhovnog suda. Autor je i koautor više knjiga iz područja građanskog prava, posebno iz zemljišnoknjižnog prava, ovršnog i nasljednog prava. Uz to je autor nekoliko znanstvenih i više desetaka stručnih radova iz područja građanskog prava. Detaljna biografija pod linkom: <http://www.vsrh.hr/easyweb.asp?pcpid=894>

Mirza H. Omerović je na funkciji zamjenika glavnog disciplinskog tužioca u Uredu disciplinskog tužioca VSTV-a BiH. Diplomirao je 2005. godine na Pravnom fakultetu u Sarajevu. Pripravnički staž je obavio u Sudu BiH, a pravosudni ispit je položio 2007. godine, nakon čega je bio zaposlen u Odjelu za pravosudnu upravu Sekretarijata VSTV BiH, kao stručni saradnik, a potom i pravni savjetnik. Dužnost disciplinskog tužioca, a kasnije i zamjenika glavnog disciplinskog tužioca u Uredu disciplinskog tužioca VSTV BiH obavlja od 2011. godine, odnosno 2017. godine. Autor je stručnih radova iz područja disciplinske odgovornosti u pravosuđu. Biografske napomene pod linkom: <https://udt.pravosudje.ba/vstvfo/B/200/article/76192>